

四庫全書

史部

欽定四庫全書

史部

欽定皇輿西域圖志卷十一

十二

詳校官通政使<sub>臣</sub>夢吉

檢討<sub>臣</sub>德生覆勘

總校官候補中允<sub>臣</sub>王燕緒

校對官中書<sub>臣</sub>吳樹萱

謄錄監生<sub>臣</sub>褚兆麟

欽定四庫全書

欽定皇輿西域圖志卷十一目錄

疆域四

天山北路一

庫爾喀喇烏蘇路

庫爾喀喇烏蘇

奎屯

布勒哈齊

達木達喀喇烏蘇

古爾圖喀喇烏蘇

托多克

鄂壘扎拉圖

噶順

烏里雅蘇圖

晶河

托里

察罕拜姓

托和木圖

塔爾巴噶台路

塔爾巴噶台

雅爾

奇爾噶遜齊布哈達遜

愛呼斯

烏蘭呼濟爾

綽爾郭

察罕呼濟爾

額敏

哲克得里克

納林和博克

格爾鄂爾格

克特和博克

烘郭爾鄂籠

什巴爾圖

烏爾圖

薩里

納木

穆呼勒戴鄂多特

達爾達木圖

蘇海圖

謨多圖布古圖

尼楚滾布古圖

伊奇爾

布爾噶蘇台

察拉垓

綽爾

齊爾

額爾齊斯

青吉勒

欽定皇興西域圖志卷十一目錄



欽定四庫全書

欽定皇輿西域圖志卷十一

疆域四

天山北路一

庫爾喀喇烏蘇路 東至奎屯接安西北路迪化州  
綏來縣界西至托和木圖接伊犁東路之呼蘇圖  
布拉克臺界北接塔爾巴噶台界南界天山

庫爾喀喇烏蘇

庫爾喀喇烏蘇在迪化州綏來縣屬安濟哈雅西  
二十里庫爾郭勒源發天山北麓北流經其地乾  
隆二十八年於河濱建遂成堡門四東曰延和西

曰迎灝南曰調薰北曰溥信設兵屯田

見屯  
政門

奎屯

奎屯在庫爾喀喇烏蘇東五十里東有長河當孔  
道舊為布爾古特台吉呢嗎游牧處呢嗎內附授  
職從征後附阿睦爾撒納劫將軍和起乾隆二十

二年將軍成衮扎布遣副都統由屯等追至哈什  
郭勒上游之阿爾齊圖山口擒之伏誅其地東與  
迪化州綏來縣屬之安濟哈雅接界舊相毗連為  
一部自奎屯北行九十里為庫爾郭勒東境又九  
十里為沙拉烏蘇又七十里為鄂倫布拉克又北  
接塔爾巴噶台界

布勒哈齊

布勒哈齊在庫爾喀喇烏蘇西六十五里西濱濟

爾噶朗郭勒南境有水北流入濟爾噶朗郭勒下  
流彙入布勒哈齊郭勒西流入淖爾

按布勒哈齊在布勒哈齊淖爾西南境支河之  
間自布勒哈齊迤西一帶應屬唐時西突厥之

攝舍提瞰部地

說見後博  
羅塔拉條

達木達喀喇烏蘇

達木達喀喇烏蘇在布勒哈齊西六十里額布圖

郭勒經流其地

古爾圖喀喇烏蘇

古爾圖喀喇烏蘇在達木達喀喇烏蘇西五十五里地有流泉潄為小澤

托多克

托多克在古爾圖喀喇烏蘇西六十里有泉三道合而東北流南五十里曰阿克塔木

鄂壘扎拉圖

鄂壘扎拉圖在托多克西四十里乾隆二十一年

冬阿睦爾撒納之叛準噶爾宰桑等俱為煽惑將  
軍兆惠自濟爾噶朗以偏師往守伊犁甫至鄂壘  
扎拉圖突與達什策凌等賊遇乘夜出擊殲賊千  
餘而噶爾藏多爾濟扎納噶爾布等渠酋復合兵  
邀我師歸路適援兵圖倫楚至并力夾擊賊解圍  
潛遁我師全隊還巴爾庫勒

御製戰圖補畝紀其事恭載卷首

噶順

噶順在鄂壘扎拉圖西三十里布勒哈齊淖爾渚  
其北哈喇古顏鄂拉峙其南

烏里雅蘇圖

烏里雅蘇圖在噶順西七十里有土城向為西路  
大兵駐營之所

晶河

晶河地以河名在烏里雅蘇圖西三十里乾隆二  
十三年十月將軍兆惠擒布爾古特台吉渾齊於

此初渾齊以從賊扎納噶爾布首級來獻及是降  
之入版圖後于乾隆二十八年建豐潤堡門三曰  
咸寧曰同軌曰景風其地土膏饒沃有屯田

見屯  
政門

托里

托里在晶河西六十里地有小水清圓如鏡又西  
南有地名古爾班呼蘇台

察罕拜姓

察罕拜姓在托里西五十里有舊城



托和木圖

托和木圖在察罕拜姓西二十里踰庫克木蘇克郭勒至其地又西接伊犁界

塔爾巴噶台路 自塔爾巴噶台東行至額爾齊斯接喀爾喀界西行至齋爾接哈薩克界南踰沙磧接安西北路迪化州界北接藩屬俄羅斯界

塔爾巴噶台

塔爾巴噶台在迪化州北五百里東北距阿勒坦  
鄂拉千里地廣饒水草宜畜牧當準噶爾東北境  
舊為伊克明阿特部游牧之所巴雅爾之昂吉乾  
隆二十年大兵進討準噶爾巴雅爾以其屬降及  
阿睦爾撒納叛巴雅爾旋附為逆二十二年五月  
叅贊大臣富德窮追阿睦爾撒納至塔爾巴噶台  
鄂拉特里特達巴時巴雅爾潛據山谷間侍衛奇  
徹布等設伏於險驍騎校訥門德勒等伏雅爾郭

勒渡口夜半巴雅爾以其妻子及所屬逸出遇訥  
門德勒殺四人擒一人奇徹布等追之至雅爾郭  
勒下流窄河山岩內賊方造食奇徹布麾軍繞岩  
進侍衛努三下流衝擊斬二十賊獲宰桑一及巴  
雅爾子塔拉巴爾巴雅爾又以餘衆走匿塔爾巴  
噶台山谷與護軍校占頗圖馬甲海蘭察遇擒之  
於是塔爾巴噶台左右諸境俱入版圖乾隆三十  
二年建綏靖城門三東曰翔和西曰布說南曰遂

亨

唐書回鶻傳葛邏祿本突厥諸族在北庭西北金山之西有三族一謀落或為謀刺二熾俟或為婆匐三踏實力永徽初高侃之伐車鼻可汗三族皆內屬顯慶二年以謀落部為陰山都督府熾俟部為大漠都督府踏實力部為元池都督府即用其酋長為都督熾俟部置金附州三族當東西突厥間常視其興衰附叛不常也後稍南徙自號三姓

葉護廷州以西諸突厥皆畏之開元初再來朝天  
寶時與回紇拔悉密共攻殺烏蘇米施可汗又與

回紇擊拔悉密走其可汗阿史那施於北庭奔京

師葛祿

即葛  
邏祿

與九姓復立回紇葉護懷仁可汗於

是葛祿之處烏德鞬山者臣回紇在金山北庭者

自立葉護歲來朝久之葉護頓毗伽縛突厥叛酋

阿布思進封金山郡王天寶間凡五朝至德後葛

邏祿寢盛與回紇爭強徙十姓可汗故地盡有碎

葉怛邏斯諸城地理志顯慶三年分葛邏祿三部

置三府陰山州都督府以謀落部置大漠州都督府以熾俟部置元池州都督府以踏實力部置金附州都督府析大漠州置右隸北庭都護府

按唐書回鶻傳載賀魯居多邏斯川時統有歌邏祿部歌邏祿即葛邏祿也賀魯滅於唐高宗永徽四年而葛邏祿已於永徽之初內附其三族分疆之處史無明文難以審証然考當時東

西突厥分有烏孫故地葛邏祿居東西突厥間而沙陀突厥則與東西突厥雜居者為今塔爾巴噶台以南迪化州以北一帶沙磧以此推之葛邏祿舊壤當在沙磧之北與今塔爾巴噶台全境所屬方位相合其地東直金山南直廷州所謂在金山北庭者而頓毗伽封金山郡王亦以其附近金山故有是號也至三葛邏祿與車鼻接壤而史稱車鼻在金山之北益知葛邏祿

在金山之西矣

雅爾

雅爾在塔爾巴噶台西北二百里舊為準噶爾伊  
克明阿特部游牧之所車凌班珠爾之昂吉乾隆  
二十八年建肇豐城門四東曰翔和南曰來離西  
曰布說北曰暨朔土壤膏沃水草滋豐雅爾郭勒  
經流其北西北流入愛呼斯淖爾

奇爾噶遜齊布哈達遜



奇爾噶遜齊布哈達遜在塔爾巴噶台東南朱爾庫朱鄂拉西乾隆二十年阿睦爾撒納叛包沁部宰桑阿克諸爾等附為逆時侍衛奇徹布監其衆阿克諸爾以兵圍軍營奇徹布倉卒無備匹馬突圍引弓左右射賊盡辟易且戰且走入柳林內賊圍之數重懼其勇不敢犯復射殺十餘賊衆乃潰天子壯其勇賜名舒布圖鎧巴圖魯於是包沁賊衆闌出卡倫竄走北路喀爾喀郡王巴扎爾錫第等窮

追及此擒之所部乃定

御製舒布圖鎧巴圖魯奇徹布歌

丙子

千人萬人敵昔有亦惟能將資衆力一人奮勇敢二千

昔未前聞今始出其人曰惟奇徹布向為侍衛備宿值

叶去歲從軍監包沁包沁之人乃通賊

厄魯特呼礮為包包沁其司礮

人也上年五月其宰桑阿克諸爾率衆二千餘人來附逆賊阿睦爾撒納之亂包沁煽動闌出卡倫為官軍所

殲來圍其帳欲肆害奇徹布魯無懼色徐腰索鞭手弓

箭出帳跨馬聲霹靂蟻聚叫譁羣近前應弦馥倒賊辟

易辟易復前恃其衆長鎗大銃近相逼奇徹布且戰且  
走得一柳林為障翼賊人圍之凡數重恐自傷無施銃  
隙持鎗人亦不敢進進被箭死屍橫牕二千人各二千  
心一人氣奪二千魄侵尋天暮衆西奔奇徹布歸奏殊  
績賜金賜爵酬勤勞復請從師肯宴息舒布圖鎧巴圖  
魯神勇之名汝應得荆軻孟賁匹夫豪日月燭火光應  
熄我歌嘉爾豈徒然勗我八旗永為式

愛呼斯

愛呼斯在塔爾巴噶台西七十里愛呼斯淖爾發源其地渚為大澤北接哈薩克界

烏蘭呼濟爾

烏蘭呼濟爾在雅爾東南北倚朱爾庫朱鄂拉舊為布庫弩特鄂拓克游牧之所

後漢書西域傳

蒲類王得罪單于徙六千餘口內

之匈奴右部阿惡地因號阿惡國南去車師後部馬行九十餘日人口貧羸逃亡山谷間故留為國

云

按漢時匈奴烏孫交界處在焉耆直北今烏蘭  
呼濟爾在闕展直北應屬匈奴西境所謂右部  
者是已范史所稱阿惡國雖無里道遠近可考  
然當時蒲類王得罪匈奴單于而西遷其人於  
此以方位求之宜在今烏蘭呼濟爾南境近附  
沙磧之地也由是而南入沙磧為沙陀突厥故  
壤詳見本卷哲克得里克條

綽爾郭

綽爾郭在烏蘭呼濟爾西鄂爾和楚克鄂拉北地  
饒水草舊為阿睦爾撒納之昂吉

察罕呼濟爾

察罕呼濟爾在鄂爾和楚克鄂拉北綽爾郭西舊  
為達瓦齊之昂吉

額敏

額敏在察罕呼濟爾西烏里雅蘇台郭勒南岸地

饒水草舊為鄂畢特鄂拓克游牧處

自雅爾至此為塔爾巴噶台北境

哲克得里克

哲克得里克在塔爾巴噶台南境南至迪化州三百里北境有河合流南下其東南境沙漠彌望東西五百里南北三百里即唐所謂沙陀者也

唐書沙陀傳西突厥別部處月種也始突厥東西部分治烏孫故地與處月處蜜雜居貞觀七年太

宗立利邨咄陸可汗而族人步真觐望謀并其弟  
彌射乃自立彌射懼率處月等入朝而步真勢窮  
亦歸國其留者咄陸以射匱特勒叔越之子賀魯  
統之處月居金娑山之陽蒲類之東有大磧名沙  
陀故號沙陀突厥云賀魯來降拜瑤池都督處月  
朱邪闕俟斤阿厥亦請內屬永徽初賀魯反射脾  
俟斤沙陀那速不肯從高宗以賀魯所領授之廢  
瑤池都督府即處月地置金滿沙陀二州皆領都



督賀魯亡處月來歸乃置崑陵都護府統咄陸部  
以彌射為都護龍朔初以處月酋沙陀金山從武  
衛將軍薛仁貴討鐵勒長安二年為金滿州都督  
子輔國嗣先天初徙部北庭率其下入朝開元二  
年復領金滿州都督至德寶應間中國多故北庭  
西州閉不通朝奏使皆道出回紇而虜多漁獵尤  
苦之雖沙陀之倚北庭者亦困其暴欽貞元中沙  
陀部七千帳附吐蕃吐蕃寇邊常以沙陀為前鋒

元和三年悉衆三萬落循烏德韃山而東款靈州  
塞詔處其部鹽州置陰山府

按沙陀為西突厥別種而突厥治烏孫故地今  
準噶爾地屬漢烏孫塔爾巴噶台南境大磧綿  
亘其為沙陀故跡較然無疑漢時蒲類國得罪  
匈奴而遷右部在今迪化州

說見前卷  
迪化州屬

沙磧正

當其北所謂沙陀即處月居蒲類之東者方位  
不爽沙磧之中山谷委蛇祁連分支東西相望

金沙之山於是乎在賀魯居多邏斯川即今額

爾齊斯

說見本卷及卷二十五水

蓋建庭於此而南統沙陀

諸部也賀魯叛沙陀不從廢瑤池都督府而置金滿沙陀二州於處月之地以賀魯所統授之者蓋建庭於南而北統多邏斯川諸部也今自烘和圖淖爾額爾齊斯郭勒南至大磧竟六百里當時統馭所及方隅較然金滿沙陀二州交界莫考然按漢書車師後部有金滿城唐書地

理志北庭大都護府有金滿縣則此金滿州宜居南附山為漢金滿城舊地而沙陀州宜居北以地有沙磧故名也賀魯亡後處月來歸即其地置崑陵都護府者所以統金滿沙陀二州之地而賀魯舊庭別置濛池都護府與崑陵都護府南北分治則崑陵都護府所轄當在今薩里山以南迄於天山而額爾齊斯郭勒一帶不及焉沙陀金山之後或徙北庭或附吐蕃叛服不

常而故壤仍為所統自元和三年東徙鹽州范  
希朝鎮太原料其勁騎為沙陀軍其酋長朱邪  
執宜保神武川之黃花堆更號陰山北沙陀雖  
仍舊名而非舊地矣

納林和博克

納林和博克在哲克得里克西北八十里北倚鄂  
爾和楚克鄂拉山下有泉南流會克特和博克之  
水合流南注於哲克得里克舊為布庫努特鄂拓

克游牧之所

唐書突厥傳西突厥始與東突厥分烏孫故地而有之由焉耆西北七日行得南庭北八日行得北庭與都陸努失畢歌邏祿處月處蜜伊吾諸種雜按今山南回部之哈喇沙爾為古焉耆自哈喇沙爾踰山直北至納林和博克六百餘里所謂西突厥北庭由焉耆北八日行者宜屬此地也後自泥橛處羅可汗朝隋被留不遣國人別立

射匱可汗徙庭三彌山其弟統葉護可汗復徙  
千泉在今伊犁西境非復焉耆直北為北庭之  
舊矣

格爾鄂爾格

格爾鄂爾格在納林和博克東又東為克特和博  
克舊謂酋長所居之地為鄂爾格疑當時部酋建  
庭於此故名

克特和博克

克特和博克在納林和博克東南二十里水南流會納林和博克郭勒入哲克得里克境西三里許有古廟為準噶爾境內舊蹟建置之始蓋莫考矣

**唐書突厥傳**

使拔悉蜜奚契丹分道捕默棘連默

棘連大恐拔悉蜜距北庭三百里乃分兵由他道襲拔其城天寶初其大部回紇葛邏祿拔悉蜜並起攻葉護殺之尊拔悉蜜之長為頡跌伊施可汗於是回紇葛邏祿自為左右葉護可汗國人奉判



闕特勒子為烏蘇米施可汗以其子葛臘哆為西  
殺其下不與拔悉蜜等三部共攻烏蘇米施米施  
遁亡其西葉護阿布思及葛臘哆率五千帳降以  
葛臘哆為懷恩王三載拔悉蜜等殺烏蘇米施傳  
首京師其弟白眉特勒鶻隴匐立是謂白眉可汗  
於是突厥大亂國人推拔悉蜜首為可汗詔朔方  
節度使王忠嗣以兵乘其亂抵薩河內山擊其左  
阿波達干十一部破之獨其右未下而回紇葛邏

祿殺拔悉蜜可汗奉回紇骨力裴羅定其國是謂  
骨咄祿毗伽闕可汗明年殺白眉可汗傳首獻回  
鶻傳拔悉蜜貞觀二十三年始來朝天寶初與回  
紇葉護擊殺突厥可汗立拔悉蜜大酋阿史那施  
為賀臘毗伽可汗遣使者入謝不三歲為葛邏祿  
回紇所破奔北庭後朝京師拜左武衛將軍地與  
衆歸回紇

按拔悉蜜與葛邏祿雜居東連回紇以瞰欲谷

距北庭三百里之文考之宜在今烏魯木齊北  
三百里外則正今之克特和博克納林和博克  
一帶地其與三葛邏祿分疆處所即不可考要  
其大槩自不可易也拔悉密為頡跌伊施可汗  
時葛邏祿為右葉護其地自當在拔悉密西至  
葛臘哆西殺之地方隅界址雖難確指然既名  
西殺地應偏右當與葛邏祿雜居北境矣突厥  
傳載白眉可汗立後拔悉密酋復為可汗應即

回鶻傳所謂賀魯毗伽可汗者與頡跌伊施可汗分王故地不三歲而或殺或奔於是其地皆歸葛邏祿唐書回鶻傳所謂在金山北庭自立葉護與回紇爭强者也餘詳前塔爾巴噶台條烘郭爾鄂籠

烘郭爾鄂籠在克特和博克東十五里

什巴爾圖

什巴爾圖在烘郭爾鄂籠東北百里西倚山岩南

臨沙磧無水有草

烏爾圖

烏爾圖在什巴爾圖東北五十里烏爾圖布拉克  
經其南薩里鄂拉環其北

薩里

薩里在烏爾圖東北六十里北有薩里鄂拉其下  
出泉東流入於沙磧

納木

納木在哲克得里克西踰哈畢爾噶布拉克托來  
布拉克至其地北倚高山南麓有泉左右二源合  
而南流入於沙磧舊為阿克巴集賽游牧之所  
穆呼勒戴鄂多特

穆呼勒戴鄂多特在納木西四十里北倚鄂爾和  
楚克鄂拉南臨額彬格遜淖爾山麓有泉南流入  
於沙磧舊為阿克巴集賽游牧之所

達爾達木圖

達爾達木圖在穆呼勒戴鄂多特西二十里北倚高山南臨淖爾山麓有泉南流入於沙磧亦阿克巴集賽游牧之所

蘇海圖

蘇海圖在達爾達木圖西二十里北倚高山南臨淖爾山麓有泉南流入於沙磧亦阿克巴集賽游牧之所

謨多圖布古圖

謨多圖布古圖在蘇海圖西南二十里北倚高山  
山麓有泉南流入於沙磧亦阿克巴集賽游牧之  
所

泥楚滾布古圖

泥楚滾布古圖在謨多圖布古圖西南有泉南流  
出谷入於沙磧亦阿克巴集賽游牧之所西十里  
有鄂倫布拉克接庫爾喀喇烏蘇界

伊奇爾



伊奇爾在泥楚滾布古圖西四十里踰鄂倫布拉克而止北倚高山山麓有泉南流入於沙磧舊為伊克呼拉爾集賽游牧之所

布爾噶蘇台

布爾噶蘇台在伊奇爾西四十里北倚高山山麓有泉南流入於沙磧亦伊克呼拉爾集賽游牧之所

察拉垓

察拉垓在布爾噶蘇台西三十里北倚高山山麓  
有泉南流入於沙磧舊為賚嗎里木集賽游牧之  
所

綽爾

綽爾在察拉垓西四十里北倚高山山麓有泉南  
流入於沙磧亦賚嗎里木集賽游牧之所

齊爾

齊爾在綽爾東北五十里踰山而至東北距額敏

三百里地廣饒水草舊為阿克巴拉布里木杜爾  
巴推素隆伊克呼拉爾五集賽游牧之所乾隆二  
十四年大兵進勦準噶爾五集賽宰桑達什策凌  
等以其地內屬

自哲克得里克至此為塔爾巴噶台西南境

額爾齊斯

額爾齊斯在塔爾巴噶台東南青吉勒郭勒北境  
阿勒坦鄂拉西境東西七百里南北三百里額爾

齊斯郭勒經流其地為都爾伯特部游牧之所乾隆十八年台吉策凌策凌伍巴什策凌孟克等率所屬二千六百餘戶內附編設旗分優錫親王等爵俾長故地都爾伯特為四衛拉特之一厥後綽羅斯和碩特輝特以肆惡淪亡惟都爾伯特部終守臣節至今弗替云

隋書西突厥傳西突厥者木杆可汗之子大邏便也與沙鉢畧有隙因分為二漸以彊盛東距都斤

西越金山龜茲鐵勒諸胡悉附之後處羅可汗居  
無恒處然多在烏孫故地射匱襲處羅處羅大敗  
東走遁於高昌鐵勒傳鐵勒之先匈奴之苗裔也  
金山西南有薛延陀咥勒兒十槃達契等一萬餘  
兵

唐書突厥傳突厥阿史那氏蓋匈奴北部也居金  
山之陽臣於蠕蠕種裔繁衍至吐門遂疆大回鶻  
傳裴羅攻殺突厥白眉可汗拜裴羅左驍衛員外

大將軍斥地愈廣東極室韋西金山南控大漠盡  
得古匈奴地薛延陀者先與薛種雜居後滅延陀  
部有之姓一利咥氏在鐵勒諸部最雄張西突厥  
處羅可汗之殺鐵勒諸酋也其下往往相率叛去  
奉薛延陀乙失鉢為野咥可汗在金山西役葉護  
可汗貞觀二年乙失鉢孫曰夷男率部帳附頡利  
後突厥哀男反攻頡利弱之太宗冊拜為真珠  
毗伽可汗樹牙鬱督軍山直京師西北六千里東

靺鞨西葉護突厥南沙磧北俱倫水地大衆附回  
紇諸部莫不伏屬頡利可汗之滅夷男率其部稍  
東保都尉犍山獨邏水之陰遠京師纔三千里而  
羸東室韋西金山南突厥北瀚海蓋古匈奴地也  
按今阿勒坦為古金山額爾齊斯在金山西南  
境唐書稱阿史那氏居金山之陽裴羅西越金  
山者宜在此地也回鶻傳稱薛延陀為葉護可  
汗葉護可汗者伽那設之子畢賀咄葉護立為

乙毗沙鉢羅葉護可汗建庭雖合水北東薄伊  
列河薛延陀西與為鄰則其地固當在伊犁之  
東金山之西由額爾齊斯以西迄於伊犁皆是  
也南沙磧者指沙陀所處之大磧北俱倫水者  
即多邏斯川之分支蓋薛延陀未徙之前境界  
如是自頡利滅而夷男東徙則向之在金山西  
者乃始西倚金山而居金山之東矣

青吉勒



青吉勒在額爾齊斯西南即青吉勒郭勒北岸地  
東為布拉青吉勒西為哈達青吉勒皆青吉勒郭  
勒發源處

自額爾齊斯至此為塔爾巴噶台東南境

漢書匈奴傳西方呼揭王畔去自立為呼揭單于

右輿鞬王聞之即自立為車犁單于烏籍都尉自  
立為烏籍單于屠耆兵擊車犁烏籍烏籍車犁皆  
敗西北走與呼揭單于合烏籍呼揭去單于號并

力尊輔車犁屠耆單于自將西擊車犁車犁敗西北走明年屠耆單于擊呼韓邪單于兵敗自殺從弟休旬王自立為閼振單于在西邊東擊郅支單于郅支與戰殺之并其兵攻呼韓邪破走之郅支都單于庭後引其衆欲攻定右地屠耆單于小弟亦亡之右地自立為伊利目單于郅支并其兵留居右地自度力不能定匈奴乃益西近烏孫欲與并力遣使見小昆彌烏就屠烏就屠乃殺郅支使

發八千騎迎郅支郅支勒兵逢擊烏孫破之因北  
擊烏揭烏揭降發其兵西破堅昆北降丁令并三  
國數遣兵擊烏孫常勝之郅支以道遠上書求侍  
子漢遣谷吉送之郅支殺吉呼韓邪益強恐見襲  
擊欲遠去會康居王數為烏孫所困與諸翕侯計  
郅支困阨在外可迎置東邊使合兵取烏孫以立  
之長無匈奴憂矣即使使至堅昆通語郅支遂與  
相結引兵而西康居亦遣貴人迎郅支後都護甘

延壽副陳湯發兵即康居斬郅支

按漢烏孫為今準噶爾康居為今哈薩克而準噶爾東境猶屬匈奴水經注稱敦薨水出焉者北敦薨山在匈奴之西烏孫之東焉耆即今哈喇沙爾敦薨水即今海都郭勒郭薨山即今海都塔克以此求之則自哈喇沙爾直北踰天山為迪化州即烏魯木齊又直北為塔爾巴噶台當屬漢匈奴烏孫交界處今自迪化州北抵塔

爾巴噶台以東之境均應屬漢匈奴右地呼揭  
車犁烏籍閭振郅支伊利目於此互相角逐而  
郅支西北通康居即今準部西北與哈薩克交  
壤之處灼然可見至魏書蠕蠕傳西則焉耆之  
地北渡沙漠高車主彌俄特與蠕蠕主伏圖戰  
於蒲類海北伏圖次於伊吾北山則塔爾巴噶  
台諸境在魏當為蠕蠕地也隋書突厥阿史那  
以五百家奔茹茹

即蠕蠕史  
書互異

唐書西突厥與東

突厥分烏孫故地有之據此則烏孫東境即蠕  
蠕舊地後入突厥亦無可疑者

欽定皇興西域圖志卷十一

欽定四庫全書

欽定皇輿西域圖志卷十二目錄

疆域五

天山北路二

伊犁東路

伊犁

海努克

固勒札

巴顏台

烏哈爾里克

塔勒奇

沙布爾托海

博羅塔拉

幹珠罕

阿里瑪圖

烏爾圖古爾畢

博羅布爾噶蘇



都爾伯勒津

空格斯

哈什

納拉特

裕勒都斯

哈布齊垓

登努勒台

欽定四庫全書

卷十二目錄

欽定皇興西域圖志卷十二目錄

欽定四庫全書

欽定皇輿西域圖志卷十二

疆域五

天山北路二

伊犁東路 自伊犁東南行至登努勒台南踰天山  
接天山南路哈喇沙爾界東過博羅圖塔克接天  
山南路闡展界東北接庫爾喀喇烏蘇屬之晶河  
界西北接哈薩克界西接伊犁西路界

伊犁

伊犁在天山之陰為準噶爾沃壤距京師一萬八  
百二十里天山自西南來者汗騰格里鄂拉納喇  
特達巴屏其南東過空格斯河源為烏得音達巴  
額布圖達巴折北而西為北路之哈喇古顏鄂拉  
環其東東北過哈什河源折而西為博羅布爾噶  
蘇達巴塔勒奇達巴博羅和洛鄂拉障其北三面  
皆負祁連而空格斯郭勒自東南來西北流哈什

郭勒自東北來西南流特克斯郭勒自西南來東北  
流至其境東百里許會為伊犁郭勒西流成巨川西  
北入巴勒喀什淖爾山川形勢甲於諸部氣候和暖  
人民殷庶物產饒裕西陲一大都會也其俗皆逐水  
草無城郭惟所屬回人因其舊俗築城以居乾隆二  
十年二月大兵進討準噶爾二十四鄂拓克二十一昂吉  
五集賽爭先迎降兵不血刃五月抵伊犁厥酋達瓦  
齊率萬餘人渡河追及之斫其營以數騎追回人阿

奇木霍集斯伯克擒之以獻伊犁平六月阿睦爾撒納  
叛其黨阿巴噶斯等附為逆定北將軍班第及叅贊  
大臣鄂容安死之將軍策楞以兵追至塔勒奇達巴  
阿睦爾撒納奔哈薩克初準部台吉呢嗎哈薩克沙  
喇以內附故授職從征二十年十一月與內附之巴雅  
爾莽噶里克等構亂將軍和起死之定邊將軍運兆惠  
時方駐伊犁聞亂東援巴爾庫勒中途屢殲賊衆二  
十二年以富德副兆惠軍分南北路進討時阿睦爾

撒納自哈薩克歸與富德軍遇復奔哈薩克富德  
追之哈薩克降阿睦爾撒納奔俄羅斯餘黨以次  
擒賊伊犁復定二十九年於伊犁河北建惠遠城  
周九里三分門四東曰景仁西曰說澤南曰宣閭  
北曰來安三十年建惠寧城周六里三分門四東  
曰昌彙西曰兆豐南曰遵軌北曰承樞

御製西師底定伊犁捷音至詩以述事

乙亥

乘時命將定條枝

天佑人歸捷報馳無戰有征安絕域壺漿簞食迎

去聲

王師

據副將軍阿睦爾撒納等奏稱大兵至伊犁部衆持羊酒迎犒者絡繹載道婦孺歡呼如出水火自出師以來無血刃遺鏃之勞敕邊掃穴實古所未有

兩朝締構敢云繼百世寧綏有所思好雨優霑土宇拓敬

心那為慰心移

御製哀伊犁

丙子

我哀伊犁之人久迭遭去歲底定將謂自此永息肩而胡么麼密計復煽亂伊犁之人亦相附和為叛奸後旋



知悔過欲擒賊渠贖罪誠可憐乃以衆志不齊相觀望  
逆賊鋌而走險攻中堅十餘鄂拓遂巡各退遯反致劫  
擄父不保子夫不保妻遭流連加以爭相奪攘為矯虔  
强者食弱壯者食幼互暴殘馬牛羊食以盡野無黃獨  
室無私疾疫出痘亡者白沙捐伊犁河流為之赤竟有  
血人於牙以冀旦夕延王師重入匍匐歸者軍門環伊  
犁之人汝莫歎孰令汝二三其志自作孽患焚焚泯泯  
忘大義民無二日汝獨有二天於古有云既來之則安

之余亦焉能屏棄旃為之禁盜劫為之勗耕田逆賊既除自今以後汝得高枕眠休養生息延數年或得元氣復以全如此而已寧須竭內地力萬里惠窮邊

御製花門行

丙子

花門雜種其類繁玉關迤西西海連或居城郭或游牧牧滋畜獵域者田其性均能殖貨產剛勇善戰則鮮焉部落雖殊形貌似哲面綠瞳赤髮鬢大宛即今哈薩克布魯特近古于闐其他不堪倭指數要視強弱為歸叛

叶  
準噶爾昔全盛日役使若輩如奴佃令棄故居來伊  
犁課其引水種稻私服勞供賦不敢怠詎知隱恨已有  
年逆渠去歲竊據險回人助之藉少安台吉宰桑心不  
一遂巡各退遭顛患叶而何逆渠復狠忌謂回人衆其  
力全不早圖之將受害機事不密回人先遂攻逆渠渠  
敗斂回人還向故土遷折屋伐樹示不返伊犁荒涼吁  
可憐地積白骨草木赤腥風吹野遊狐獾一穴構害貽  
萬億降殃會見昭昭懸

漢書西域傳

烏孫國大昆彌治赤谷城東至都護

治所千七百二十一里西至康居蕃內地五千里  
東與匈奴西北與康居西與大宛南與城郭諸國  
相接本塞地也烏孫昆莫擊破大月氏大月氏徙  
西臣大夏而烏孫昆莫居之武帝即位令張騫往  
昆莫中子大祿大祿兄太子有子曰岑陁太子死  
大祿攻岑陁昆莫與岑陁萬餘騎令別居昆莫亦  
自有萬餘騎國分為三大總羈屬昆莫得尚漢公

公主為昆弟昭帝時車師與匈奴共侵烏孫宣帝  
初匈奴復擊烏孫遣校尉常惠使持節護烏孫兵  
後元貴靡為大昆彌烏就屠為小昆彌漢復遣長  
羅侯惠將三校屯赤谷分別其人民地界大昆彌  
戶六萬餘小昆彌戶四萬餘然衆心皆附小昆彌  
烏就屠死子拊離代立為弟日貳所殺子安日為  
小昆彌日貳亡阻康居漢徙己校屯姑墨欲候便  
討焉後安日為降民所殺弟末振將代立末振將

弟卑爰寔共謀殺大昆彌北附康居謀欲藉兵兼并兩昆彌哀帝元壽二年大昆彌伊秩靡與單于並入朝漢以為榮至元始中兩昆彌皆弱

**魏畧西戎傳**車師後部轉西北則烏孫本國無增損也

**魏書西域傳**烏孫國在龜茲西北其國數為蠕蠕所侵西徙葱嶺山中**蠕蠕傳**始有部衆自號柔然後其部分為二縕紇提附衛辰討之蠕蠕移部西

遁既而社崙執匹侯跋子收餘衆亡依高車斛律  
部侵高車深入其地遂并諸部西北有匈奴餘種  
盡為社崙所并其西則焉耆之地熙平中西征高  
車大破之禽其王彌俄突殺之盡并叛者高車傳  
高車初號為狄歷北方以為勅勒諸夏以為高車  
丁零其種有狄氏表紇氏斛律氏斛批氏護骨氏  
異奇斤氏高車之族又有十二姓一曰泣伏利氏  
二曰吐盧氏三曰乙旃氏四曰大連氏五曰窟賀

氏六曰遠簿干氏七曰阿崙氏八曰莫允氏九曰  
俟分氏十曰副伏羅氏十一曰乞表氏十二曰右  
叔沛氏先是副伏羅部為蠕蠕所役屬太和十一  
年豆崙犯塞阿伏至羅等率所部西叛肅宗初彌  
俄突與蠕蠕主醜奴戰敗禽殺之部衆悉入厭達  
經數年彌俄突弟伊訥復國大破蠕蠕後與戰敗  
歸其弟越居為蠕蠕所破子比適又為蠕蠕破越  
居子去賓自蠕蠕來奔封高車王既而病死



隋書突厥傳突厥阿史那以五百家奔茹茹有阿  
賢設者率部落出於穴中世臣茹茹當後魏之末  
有伊利可汗擊鐵勒敗之襲茹茹破之弟逸可汗  
又破茹茹弟木杆可汗擊茹茹滅之西破挹怛西  
突厥傳處羅可汗居無恒處然多在烏孫故地復  
立二小可汗分統所部一居龜茲北其地名應婆  
唐書突厥傳突厥國于後魏大統時滅後其地盡  
入回紇始其族分國于西者曰西突厥其先訥都

陸之孫吐務號大葉護長子曰土門伊利可汗次  
子曰室點密亦曰瑟帝米子曰達頭可汗亦曰步  
迦可汗始與東突厥分烏孫故地有之西雷肅海  
南疏勒北瀚海回鶻傳回鶻俗多乘高輪車元魏  
時亦號高車部或曰勅勒訛為鐵勒其部落曰表  
紇薛延陀契苾羽都播骨利幹多覽葛僕骨拔野  
古同羅渾思結斛薛奚結阿跌白雷凡十有五種  
皆散處磧北表紇者亦曰烏護曰烏紇至隋曰韋

紇臣於突厥太宗幸靈州鐵勒十一部皆來武后  
時突厥默啜方彊取鐵勒故地後稍不循梗絕安  
西諸國朝貢道後骨咄祿毗伽闕可汗南居突厥  
故地悉有九姓地九姓者曰藥羅葛曰崛羅勿曰  
貊歌息訖曰阿勿嚙曰葛薩曰斛嗚素曰藥勿葛  
曰奚邪勿與僕骨渾拔野古同羅思結契苾六種  
相等夷後破有拔悉密葛邏祿總十一姓號十一

部落

元史地理志

諸王海都行營於阿爾穆爾

舊作阿力麻里

今改正

等處蓋其分地也自高昌五城西北行四五

千里至阿爾穆爾至元五年海都叛世祖追至阿爾穆爾則遠遁二千餘里令勿追以皇子北平王統諸軍於阿爾穆爾以鎮之

明史外國傳

衛拉特

舊作瓦剌今改正

蒙古部落也在韃

靼西又巴什伯里

舊作別失八里今改正

南接于闐北連衛

拉特

按漢烏孫居天山北與匈奴接壤南臨城郭諸國即今準噶爾部也至元魏時為高車隋為鐵勒唐為回鶻回鶻自唐末散處山南即今回部至蠕蠕突厥並屬胡種與高車鐵勒回鶻異族魏書西域傳稱烏孫國在龜茲西北是烏孫於元魏時已西遷龜茲以東為匈奴餘部高車所據蠕蠕主社崙亡依高車旋破其部復西侵烏孫拓地至龜茲西北此蠕蠕盛時與今準噶爾

全境相倣突厥世臣蠕蠕至元魏末木杆可汗  
又擊蠕蠕滅之隋書蠕蠕作茹茹傳寫之異也  
後分東西突厥割據烏孫故地是今之準噶爾  
盡有西突厥地東境則猶屬東突厥天寶初東  
突厥地入回紇五代迄宋聲教不及元代幅員  
西北最廣應屬諸王行營統軍之地明時衛拉  
特當韃靼西巴什伯里北南與于闐相直與今  
準部方位適合明史舊稱瓦剌即衛拉特譯音

之訛又較然可信今按其全境凡歷朝史傳所載方位事實可考而知者已分見各條而伊犁舊屬準噶爾庭為䟽其全境沿革大畧系此以備考其古蹟之專屬伊犁者仍如各條之例詳著於後

**魏書西域傳** 龜茲國漢時舊國也北去突厥牙帳六百餘里䟽勒國東北至突厥牙帳千餘里

**唐書突厥傳** 突騎施烏質勒西突厥別部也以伊麗水

為小牙其地東隣北突厥直西廷州烏質勒死其子嗚鹿州都督娑葛為左驍衛大將軍襲封爵地

理志

嗚鹿州都督府以突騎施索葛莫賀部置

按唐書載突厥射匱可汗建庭龜茲北之三彌山龜茲即今庫車三彌山即今庫車北境之汗騰格里鄂拉華言天山南去庫車三百餘里以魏書龜茲國北去突厥牙帳六百餘里之文證之是突厥牙帳當在三彌山北也今汗騰格里



鄂拉北二百里即伊犁境南去庫車六百餘里  
與魏書龜茲北去突厥牙帳六百餘里之說合  
則伊犁為射匱可汗庭無疑自賀魯破滅地為  
突騎施所有以碎葉川為大牙伊麗水為小牙  
碎葉川即今圖斯庫勒伊麗水即今伊犁郭勒  
是伊犁又為突騎施烏質勒小牙也烏質勒子  
為溫鹿都督則其地入唐為溫鹿州都督府可  
知又按魏書西域傳載悅般國住龜茲北地方

數千里衆可二十萬與蠕蠕相仇讎數相征討  
真君九年遣使朝貢據此則悅般國在龜茲國  
北今伊犁在庫車北又當為悅般國地疑突厥  
未滅蠕蠕之前伊犁為悅般國地後其國為蠕  
蠕所滅是以并滅烏孫斥地至龜茲西北而蠕  
蠕復為突厥所滅射匱乃建庭於此耳

海努克

海努克在伊犁郭勒南二十五里舊有佛廟噶勒

丹策凌建與固勒札廟俱為喇嘛坐床之地乾隆二十七年建小堡一於其地

固勒札

固勒札舊對音為固爾札在伊犁郭勒北二十里舊有佛廟噶勒丹策凌建兩廟喇嘛坐牀者四令五鄂拓克輪值供養之阿睦爾撒納叛諸喇嘛附和為逆旋為阿睦爾撒納所掠乃各散去廟燬於火乾隆二十七年築寧遠城周四里二分門四東

曰景旭西曰環瀛南曰嘉會北曰歸極城東岡上  
建立平定準噶爾勒銘伊犁碑後勒銘伊犁碑各

一恭勒

御製文四體字書於其上

御製固爾札廟火用唐韓愈陸渾山火和皇甫湜韻並

效其體

丙子

拓土今踰吐谷渾奚論邏逤將河源何來狂童欲竊吞  
再整戎車安輕軒亂之不戢終自燔師壓波羅塔拉原

義所動彼亦履坤諸鄂拓兵無際垠狡計近窺喇嘛垣  
盜駝馬逃藉桑門人思見日汝救嗽名佛弟子心狙猿  
如魚背龍竊友黿鵬不搏鴉乃搏鴟以致遊魂遠跳奔  
衣黃空忝人中尊固爾札本菴羅園天人供養莊嚴繁  
朝螺暮鼓法音喧仲氏吹簫伯氏塤剎竿高標金字幡  
胡僧碧眼脫其禪露兩肩肘及兩臂羊鹿牛徒示三轅  
天龍軍逆屬橐鞬修羅乾闥挾雙轡掃其穢跡風以弔  
火輪轉法羞脈膈炎官祝融朱雲屯烈飈出穴口如盆

鑠金爛石焦窪罇四大誰解無生言那伽

此言龍也

不為吐

水翻有其成之毀必反賓頭盧瞋目雙暖如彼落葉還

歸根淨業何有於烏孫創興黃教駢肩跟假藉敬佛示

惠恩亦欲貽法其曾元二世滅裂不可援狼貪虎攫難

盡論汝狡避禍來謁閭膝前面陳涕漬痕憐汝賚汝安

汝魂解衣推食奚汝冤野心偕德義何存固應天殛絕

爾殮洛那

即古大宛今哈薩克也

各方非世婚去歲却摺遭爾昆

阿睦爾撒納之兄已特禍策凌及其黨額林沁相繼奔哈薩克以圖棲托其後皆肆搶奪逃竄而歸三窟

未必容爾搏小大怨汝奚騰騫六月申酉利復怨銷兵

魚海靖鯨鯢璆琳琅玕貢崑崙四西勒圖何瞽昏

固爾札廟

內喇嘛分四牀謂之西勒圖蓋彼之掌教者云助逆不當遭刼焚竭和韓韻足

解煩泰山北斗一仰捫

御製平定準噶爾勒銘伊犁碑文

惟

天盡所覆俾我皇清罔不在宥惟清奉

昊天撫薄海兆庶悉主悉臣

叶

太祖

太宗

世祖肇基宅中皇耆其武

聖祖

世宗覲光揚烈克臻邳隆逮予渺躬思日孜孜期四海同

風咨汝準噶爾

叶

亦蒙古同類何自外攜數世梗化纂

奪相仍碩仇其下惟達瓦齊甚毒於醒衆心底底如苗  
斯蟲如虺斯螫衆口嗷嗷視爾嗷嗷止予焦勞止期救不



崇朝止視爾底止予噫嘻止亟出汝塗泥止迺命新附  
爾為先鋒熟悉其路迺命勁旅攜數月糧毋或掠擄師  
行時雨王旅嘽嘽亦無潦阻左旋右抽王旅渾渾既暇  
以休烏魯木齊及五集寨度之折折台吉宰桑迎降恐  
後異事斧吭波羅塔拉闡爾奇嶺險如關闔倒戈反攻  
達瓦齊走旦夕途窮回部遮獲彼鼠斯喙地入無隙露  
布飛至受俘午門爰貸其罪自今以始四部我臣伊犁  
我宇叶曰綽羅斯及都爾伯特和碩特輝特封四可汗

衆建王公遊牧各安宰桑公臣屬我旗籍誰汝苦辛爾  
恭爾長爾尊爾幼徐以教養爾駝爾牛爾羊爾馬畜牧  
優游分疆各守毋相侵凌以干大咎齊禦外域曰布魯  
特越哈薩克醉飲飽食敬興黃教福自天錫伊犁平叶  
矣勒貞珉叶矣於斯萬年矣

御製平定準噶爾後勒銘伊犁碑文

天之所培者人雖傾之不可殛也

天之所覆者人雖裁之不可殖也嗟汝準噶爾何狙詐相

延以世而為賊也強食弱衆凌寡血人於牙而蔑知悛  
易也云興黃教敬佛菩薩其心乃如夜叉羅刹之以人  
為食也故罪深惡極自作之孽難逭活也先是分封四  
部衆建宰桑四圖什墨廿一昂吉蓋欲繼絕舉廢以休  
以息也而何煽亂不已焦爛為期終於淪亡胥盡伊犁  
延袤萬里寂如無人之域也是非我佳兵不戢以殺為  
德也有弗得已耳西師之什實紀其詳悉也以其反覆  
無常遲益久而害益深則其叛亂之速未嘗非因禍而

致福也是益

天佑我皇清究非人力也伊犁既歸版章久安善後之圖要焉已定者詎宜復失也然屯種萬里之外又未可謂計之得也其潛移默運惟

上蒼鑒之予惟奉時相機今日之下亦不敢料以逆也是平定準噶爾後勒銘伊犁之碑所由作也

巴顏台

巴顏台在伊犁郭勒北惠寧城東南有屯田

烏哈爾里克

烏哈爾里克在伊犁郭勒北乾隆二十七年建綏  
定城周四里一分門四東曰仁熙西曰義集南曰  
利渠北曰寧漠城北為蘆草溝喇嘛寺溝俱有屯  
田

塔勒奇

塔勒奇在伊犁北一百二十里建小城一周三分  
有屯田城西北為獨山子清水河城北為大西溝

大東溝小東溝城西為察罕烏蘇均有屯田

屯田俱

見屯政門

沙布爾托海

沙布爾托海在伊犁西南一百四十里又西南行八十里為托里山谷聯延並設卡倫又西行入伊犁西路界

博羅塔拉

博羅塔拉在伊犁東北三百里塔勒奇鄂拉拱其

南博羅和洛鄂拉罕哈爾察海鄂拉環其西阿勒  
坦特布什鄂拉屏其北博羅塔拉郭勒自西北來  
東南流鄂托克賽里郭勒自西南來東北流至博  
羅塔拉而合又分流遶其南北又合而東流入布  
勒哈齊淖爾水甘土肥形勢殊勝乾隆二十年五  
月將軍班第率師討準噶爾至此有庫圖齊納爾  
鄂拓克宰桑莎撒賚者以其屬七百餘戶赴軍前  
降博羅塔拉河源游牧之宰桑和通額墨根等亦

內附平伊犁後阿睦爾撒納篡為四衛拉特總台  
吉不得擁衆竊據於此前準噶爾舊宰桑禡木特  
者為邊臣所執素以勇聞釋之且授職屢敗撒納  
後來歸且陳撒納狡詐不可信狀二十年五月隨  
將軍班第駐伊犁猝遇變為叛黨哈丹所獲縛見  
撒納不為屈且罵其負義撒納慚憤縊殺之十一  
月撒納將以其黨阿巴噶斯哈丹往劫縛羅斯嗣  
諾爾布林沁伊犁衆台吉宰桑等不從計擒撒納



來獻適薩拉爾公丹拜在伊犁衆台吉等因之以  
兵二道進擒撒納一出博羅布爾噶蘇鄂拉口一  
出塔拉奇鄂拉口十一月會衆鄂托兵於托和木  
圖撒納禦之衆鄂拓兵敗回人和卓木夾擊撒納  
奔次於烘郭爾鄂博二十一年正月將軍策楞等  
進討阿睦爾撒納北走哈薩克博羅塔拉遂入版

圖

御製禡木特詩

丙子

厄魯禡木特其舊宰桑領領衆扎哈沁

扎哈沁者守邊界之人也所

職守邊疆昔奉其主命侵掠我駝羊

事在雍正八年

西鄙衆軍

士羣知勇異常前歲三策凌

都爾伯特策凌孟克彼中謂之三

策凌

嚮化入相望禡木特親追闌進我卡塘弗及乃退出

未敢肆猖狂維時予有命邊臣爾何恒

時駐烏里雅蘇台防邊者為副

都統達青阿即以此事得罪今降為侍衛詳見後

隘界等無人不擒汝罪當邊

臣聞乃懼誘致奏九閭予謂不明討計誘失斟量命釋

禡木特薄責勵戎行阿睦爾撒納彼中久披猖禡木特

與戰屢勝兵威揚撒納大窮蹙始決親來降侵尋彼大  
亂我師壓境強禡木特亦歸優眷加冠裳進兵命與議  
造膝陳言良撒納今雖順其心乃豺狼不可命彼往往  
必為厲殃予云不逆詐遣彼亦何妨使其顯彼叛正罪  
往斧吭亡何定伊犁亡何逆蹟彰譎賊謀風定煽亂為  
鴟張禡木特力寡勁敵歸途塘禡木特與將軍班第等同駐伊犁尋以養病他  
適無兵衛比間變將脫猶手刃三賊力盡馬亦僵被擒  
歸為叛黨哈丹遮獲見撒納不屈氣更昂逆賊責之云衛拉天各方汝何心

向內同類而相戕禍木特唾之理義人之綱舊主嗣早

絕

謂噉兩丹凌策

匪我獨契忘大君惟討逆信義昭煌煌擒我

復捨之既歸恩遇滂於恒尚應報起死可弗償嚮內非  
獨我汝先沐寵光一死我弗懼駢誅汝立亡逆賊慚無  
言絞縊厥命傷伊犁重底定遊魂走踉蹌脅從以次擒  
生致明憲章問以禍木特畢知顛末詳烈士何處無未  
可分域鄉錄實櫟括詞千載流聲芳

唐書突厥傳賀魯已滅以攝舍提墩部為雙河都

督府地理志雙河都督府隸北庭都護府攝舍提

噉部置

按攝舍提噉部為當時咄陸五噉之一五咄陸  
部居碎葉東攝舍提噉部在雙河上後為都督  
府亦以雙河名據寔厥傳及蘇定方本傳西逐  
賀魯至雙河二百里抵其牙賀魯西跳伊麗水  
伊麗水即今伊犁郭勒是當時賀魯牙在今伊  
犁其東二百里之雙河即鄂拓克賽里庫色木

蘇克諸河之匯入布勒哈齊淖爾者也考其方位今博羅搭拉為雙河都督府舊境無疑

幹珠罕

幹珠罕在博羅搭拉西南察罕賽喇木淖爾北自塔勒奇東北行九十里至其地又西行踰博羅塔拉郭勒六十里為碩波圖又西北行二百餘里為庫克托木又自幹珠罕東行一百八十里為莎達巴又東行五十里為達蘭沁又東行六十里為哈

布齊垓俱在博羅塔拉郭勒北境列山如屏豁谷  
深邃並設卡倫於此

阿里瑪圖

阿里瑪圖在伊犁郭勒北察罕烏蘇之西南距伊  
犁一百里阿里瑪圖郭勒經流其地

烏爾圖古爾畢

烏爾圖古爾畢在阿里瑪圖東北九十里南距哈  
什郭勒北距庫色木蘇克郭勒西南距伊犁一百

四十里

博羅布爾噶蘇

博羅布爾噶蘇在烏爾圖古爾畢東北六十里即  
博羅布爾噶蘇鄂拉西谷口外地舊為輝特台吉  
唐古忒游牧之地乾隆二十年五月大兵抵伊犁  
率所屬一千戶內附地為伊犁東境門戶自博羅  
布爾噶蘇北行稍折而西當庫色木蘇克鄂勒發  
源處並設卡倫自博羅布爾噶蘇東北踰山接晶



河界

都爾伯勒津

都爾伯勒津在伊犁東一百二十里空格斯郭勒  
自東南來喀什郭勒自東北來特克斯郭勒自西  
南來交會於此

空格斯

空格斯在都爾伯勒津東南三百二十里地勢寬  
平氣候溫煖饒水草宜耕牧為伊犁東南最近要

地其全境形勝則納喇特達巴峙其南烏得音達  
已繞其東阿布喇勒鄂拉障其北三面峰巒環抱  
而空格斯郭勒復襟帶其間南會特克斯郭勒北  
會哈什郭勒羣赴伊犁以為歸宿山朝水東為西  
域形勢之冠舊為準噶爾烏魯特霍爾博斯鄂拓  
克游牧之所

唐書突厥傳西突厥由焉耆西北七日行得南庭  
地理志戛騎施部置都督府隸北庭都護府

按今由哈喇沙爾西北至空格斯六百里即寔厥傳所謂由焉耆西北七日行得南庭者則今之空格斯當為西寔厥南庭其地附近伊犁又當與喀什均為寔騎施部之東境也

### 喀什

喀什在空格斯北為伊犁東最近要地與空格斯相唇齒形勢殊勝乾隆二十年五月將軍班第尚書鄂容安駐防伊犁阿睦爾撒納叛從賊宰桑克

什木巴桑等應之八月以五千兵進犯班第等督  
兵迎勦至哈什力戰陷堅賊兵圍之數重班第鄂  
容安度不免以將軍印授其屬富錫爾間道賫還  
乃手殺數賊而死其屬額納伸巴寧阿亦自殺既  
而魁巴桑監之數月乘間歸富錫爾道遇賊將劫  
其印幾被害乃沈印於河力戰免二十四年西域  
平哈什入版圖三十二年建雙烈祠祀定北將軍  
班第議政大臣鄂容安

御賜匾曰漢陞競烈

御製雙烈詩

丙子

雙烈者例雙忠詩而作也昔駐藏都統傅清左都御史拉布敦誅叛臣朱爾墨特納木札爾以人少力微二臣死事然究能鋤元兇而安絕域故臨奠建祠並有雙忠之詩以揚其勲去歲命定北將軍班第議政大臣鄂容安駐伊犁時二臣既奏阿睦爾撒納有反志朕命便宜從事庶幾消患未然乃二臣觀望疑慮

以致免脫而賊黨反得結連赴約襲我軍營二臣力  
不能敵捐驅沙場猶之死王事也一以勇決建績一  
以徘徊僨事然而臨難致命奮不顧身有足哀者今  
大兵既靖伊犁逆賊窮蹙逃竄不日獻俘二臣靈輿  
至京之日朕亦親臨醞奠並成是什雙烈云者蓋不  
如雙忠之盡善矣

昔有傳介子手斬樓蘭頭通權建殊績芳名播千秋况  
乎統三軍既悉彼逆酋一武夫之力何事仍夷猶逡巡

大軍撤偏師五百留彼梟有密約入覲中逗遛八月廿  
五日三處共一謀阿睦爾撒納來阿爾台陴將合其部  
衆挈妻孥以逃叶是則預有旨其妻孥盡收厥阿巴噶  
斯斷我軍書郵克什木巴桑伊犂逞劫偷兩路如期發  
猖狂肆叫呶叶蜂屯更蟻雜不可爬與梳叶二臣知不  
敵全軍將內投而彼截歸路加以聚虬蟬巴桑謀致詞  
權假為我述徐當備馬馳送之返皇州二臣怒唾罵天  
朝無此媮效死視如歸背義生肯求奮旅更前進氣髮

衝堦鏊終知事不濟畢命願屬鏤叶問罪重整師豈辭

雪載途

叶 阿睦爾撒納叛後向謂事難成者皆以爲不出所料伊犁卒不能平朕料叛賊陰險多詐

其得在此其失亦在此伊犁之衆不過一時附和終不能人盡從彼若少延緩則叛賊又將別生變詐反失事機因正永常恒怯退師之罰急趨西路軍帥刻期進剿旋於今春直達伊犁逆賊失據奔竄旋復定

伊犁脅從寬厥尤一二助惡者

謂阿巴噶斯克什木之流

繫虜昏度

劉渠魁竄異域王師奮遐搜亦聞哈薩克縛獻深同讎

命求二臣骨靈輿返首邱臨奠例雙忠惜哉淚湧流初

若聽我言寧有今日不忠於國有濟烈惟已不渝叶究



非貪生比使我悲心悠朱門歌舞輩青史文章傳我豈  
為彼哉長歌旌乃休

御製三巴圖魯歌

丙子

巴圖魯者勇冠軍昔我旗人頗恒有近世以來殊不聞  
蓋因太平日已久歲寒松栢見後凋當春何以殊榆柳  
通者西鄙屬用軍折衝咸欲効奔走舒布圖鎧已超羣  
三巴圖魯亦赳赳其一額納仲去歲伊犁從將軍將軍  
使彼詢事因單騎逕入衆賊羣左支右詘箭斃數人知

事不濟拔刀自刎期報君其一巴寧阿

讀作麻韻

倉卒亂時

將軍前後護衛相救遮發無不中中無不死殺人如麻  
將軍遣之出巴寧阿曰朝廷命官偷生安往耶力敵視將  
軍盡節然後伏劍義烈真堪嘉二人既死還復甦宰桑  
巴桑得之壯其志養之數月我師再入方得歸軍牙其  
一曰富錫爾將軍命之攜印以出歸帝里其奈賊人擁  
蜂更屯蟻料不能出將印沉之水力戰更創命垂盡伊  
犁喇嘛救之得不死故賜額納伸曰卓里克圖巴圖魯

卓里克圖者即義卓爾永不渝賜已寧阿曰昆都爾巴  
圖魯昆都爾者力敵萬人暇有餘賜富錫爾曰哈布台  
巴圖魯哈布台者穿楊貫石技不殊迴思去歲迅功成  
亡矢遺鏃夫何曾不期小醜逆志萌未能除蔓我二卿  
乃致沙場雙捐生亦我坐謀還未精嘉我旗人多忠誠  
舊風未遠垂儀型愉以為戚留定評乃至西海揚芳聲

### 納拉特

納拉特在哈什南即納拉特達巴北麓地又東北

五十里為烏努固特境當險隘伊犁東南境卡倫  
設此

裕勒都斯

裕勒都斯舊對音為朱爾都斯在空格斯東南二  
百里踰山而至東西六百里南北二百里巴倫裕  
勒都斯郭勒東流準裕勒都斯郭勒西南流合而  
東流經其地四面皆山地饒水草宜畜牧伊犁東  
南屏嶂也舊為準噶爾克里野特鄂拓克游牧之

所其東境為庫本諾雅特部係達什達瓦之昂吉  
東境有地曰阿勒坦烏遜西境有地名哈爾噶朗

圖

唐書突厥傳

賀魯已滅以鼠尼施處半部為鷹娑

都督府

地理志鷹娑都督府以鼠尼施處半部置

隸北庭都護府回鶻傳契苾亦曰契苾羽在焉耆

西北鷹娑川多覽葛之南其酋哥楞自號易勿真

莫賀可汗弟莫賀咄特勒皆有勇子何力尚紐率

其部來歸時貞觀六年也詔處之甘涼間以其地  
為榆溪州

按唐以處半部為鷹娑都督府而契必在鷹娑  
川上應屬連壤今哈喇沙爾為古焉耆裕勒都  
斯哈喇沙爾西北境宜為契必故地也裕勒都  
斯郭勒即鷹娑川唐時謂之榆溪貞觀六年契  
必內屬以其地為榆溪州則東西裕勒都斯又  
當為榆溪州地

哈布齊垓

哈布齊垓在裕勒都斯東一百八十里三哈布齊垓郭勒經流其地中為多木達都哈布齊垓左為準哈布齊垓右為巴倫哈布齊垓相距各三十里許

登努勒台

登努勒台在哈布齊垓東天山南麓地饒水草


隋書鐵勒傳鐵勒之先匈奴之苗裔也自西海之東

依據山谷往往不絕伊吾以西焉耆之北傍白山  
則有契弊薄落職乙啞蘇婆那曷烏謹紇骨也啞  
於尼謹等

按鐵勒部於隋唐間北界寔厥南連四鎮在天  
山一帶山谷之間此隋書所云在伊吾西焉耆  
北者專指契弊諸部而言今之登努勒台居焉  
耆北境傍近白山是其地也據唐書契弊必在焉  
耆西北疑隋時契弊正居焉耆之北至唐稍西



遷近鷹沙川必弊音同字之訛也又按自此東南行入阿拉癸西谷口又東行三百里出東谷口接闢展界



欽定皇輿西域圖志卷十二